



Government of Northwest Territories Gouvernement des Territoires du Nord-Ouest

JIDÌ NIHK'IT T'ÀGWÌHÈECH'YAA GEENJIT KÀTR'INTÌ

ZHIK NAKHWANÀNKAT GWIZHÌT JIDÌ K'EEJIT NATR'AGWAHTSII NAN GWAT'ÀGWÀHDAHCH'YAA GEENJIT ŁÀGWIINAADHAN ZHÀN NILÌI.

JIDÌ NIHK'IT T'ÀGWÌHÈECH'YAA GEENJIT KÀTR'INTÌ

“Nan” geenjit ginjih leii yee'òk chan gòonlii - Nì, Ndèh, Nunat, Terre...Diinagòo'ee gwà'àn gòo kaiik'it gwanagwijlzhii tthak geenjit nits'òots'at nan t'àgwahnuu geenjit nihk'ì'ejùk t'ìgidich'uu gòonlih. Aii geenjit nan gwat'àgwahdahch'yaa geenjit tatr'àgwahnjih jì' t'at gàghiheedandaii ts'at tthak gwik'it tadzìitr'ihee'aa geenjit zhàn nilii.

2015 dòi, jii Nan Eenjit Kheh'òk nilii jii “NWT Nan Gwit'àgwahdahch'yaa Kheh'òk Gidilii” gogwà'łtsaii, Dinjii Zhuh tthak, K'àdagwidaadhat nihtat ts'at, gwaa'àn ts'at uundok jìinchiì nilii kat t'at khaii gwitak gwìnàanch'uu nihkhàh ginjih tr'adaaghoo geenjit, nihk'it tadzìitr'ahah'yaa geenjit, gwàt tth'aih diitat NWT gwizhìt gwitr'it gogwaatsii geenjit.

Jidii Nihk'it T'àgwìheech'yaa Geenjit Kàtr'intii jii tthak gihk'atr'aanjik jùk gwàts'at nijìn gwà'àn nihkhàh gwitr'it gwìdhàatsaii gwàts'at “NWT Nan Gwit'àgwìjahch'uu Ładhàajil” nagwidàdhat 2015, 2016, 2017, ts'at 2018 gwits'at.

Jidii ginjih diits'an dhootsaii aii k'ìghe' tthak lòo uudhadhàach'eii ànts'at gwit'àgwìjahch'uu nilii ts'at diigwitr'it gwizhìt gòonlii zhàn nilii.

Jii “NWT Nan Gwit'àgwìjahch'uu Ładhàajil” gwizhìt gwijìiditth'ak t'at jii gwik'it gidilii:

Dàgwidi'ii Geenjit Nihkhàh Akòo T'àgòoch'uu:
NWT K'àdagwidaadhat, Nakhwanh Dinjii Zhuh Kat ts'at Canada Eenjit K'àdagwidaadhat gwat'at dàgwidi'ii geenjit nihkhàh akòo t'àgòoch'uu geenjit zhàn nilii;

Nihk'it Akòo T'àgwidi'ii:
Nihkhàh gwitr'it gwàatsii danh diiyinjì' ih'łak hàh akòo t'àgwidi'ii, nihts'at gihk'atr'aanjii, gwandak nihts'an àatsii, ts'at gagwahàandak;

K'eejit Natr'agwaatsii:
Juudin tthak nan gwit'àgwìjahch'uu kat hah lì' hàh ch'ijùu'ee hàh akòo t'àgidi'ii chan giiniindhan ànts'at jidii łagwiiniindhan gwizhìt akòo t'àgwìheech'yaa gwizrih.

“Nihk'it Akòo T'àgwidi'ii Kàtr'intii” k'ìghe' aii diiyeenjit K'àdagwidaadhat tthak ànts'at NWT eenjit K'àdagwidaadhat gwik'ìghe' nihtat lòo gwìniint'aii gogwaatsii nijìn nan eenjit k'àdagwidaadhat gwik'it gwàatsii nakhwàh gwìch'in kat geenjit.

Jii gwitr'it k'ìghe' lòo zrit jii k'àdagwidaadhat diiyah akòo t'ìgidi'ii geenjit nilii. Gwik'ìghe' t'at yeendoo jì' tth'aih hee nihts'at tr'iniidinjii geenjit nakhwatat ts'at yee'òk tthak gootat.

Nakhwàh gwitr'it t'agoh'in geenjit haj' nakhoojìidìnuu jii tthak nan gwit'àgwìjahch'uu zhìt gwiheezaa geenjit. Yeendoo jì' tth'aih nihkhàh akòo t'àgwidi'ii geenjit diinjì'iidìjii.